

4 AVRIGL 2013

Repower darcho cun damain guadagn. Daspö la liberalisaziun dal marchö d'energia sun gnidas las cundiziuns per la ditta Repower pü düras. L'an 2011 vaiva la Repower fat aunch'ün guadagn da 54 milliuns francs, l'an 2012 da 31 milliuns.

4 AVRIGL 2013

Energia da Berna e na pü da las OEE. La corporaziun dals cumüins concessiunaris (CCC), voul dir dals cumüins da S-chanf fin Martina, ha decis da retrar l'energia da las ouvras electricas da Berna, offrind quellas l'energia per 18% plü bunmarchà. Quai ha declarà Not Carl, il president dals CCC da las Ouvras Electricas Engiadinaisas.

5 AVRIGL 2013

Anita Capaul resta mnedra da CER. La chesa editura rumauntscha vain mnedra inavaunt eir a partir da l'avrigl 2013 dad Anita Capaul, e que cun ün pensum da 60%. Que es sto il resultat da las trattativas traunter la Lia Rumauntscha e la regenza grischuna.



8 AVRIGL 2013

Premi da litteratura per Erica Pedretti. Il premi svizzer da litteratura es la pü ota distincziun litterara in Svizra. Fin l'an passo as numnaiva quel „Grand Premi Schiller“, ün premi cha be ils pü grands e las pü grandas scripturas svizras haun survgnieu scu Max Frisch, Friedrich Dürrenmatt u Erika Burkart.

8 AVRIGL 2013

Charlotte Schütt al Museum Engiadinais. Il cussagl da fundaziun dal Museum Engiadinais ho tshernieu a Charlotte Schütt scu nouva mnedra dal museum.

15 AVRIGL 2013

Di da la cuntrada in Val Müstair. In col-lavuraziun cun l'uffizi da chatscha e pescha han la Biosfera ed il Revier forestal dal cumün da Val Müstair organisà il "di da la cuntrada". Eir la società da chatschaders Turrettas e la "Pro natura pitschna" sun stats da la partida.



17 AVRIGL 2013



Exposiziun da commerzi. Davo 15 ons ha lö quist on darcheu l'exposiziun da commerzi e mansteranza. 70 exposituors da l'Engiadina Bassa da differentas branschas as preschaintan illa halla Gurlaina a Scuol. Il certificat da l'organisaziun "World Guinness Records" es gnü surdat per il plü grond nuf da marangun.

18 AVRIGL 2013

Dicziunari Tscharner online. Il dicziunari puter – tudas-ch e quel vallader – tudas-ch sun da chatter sülla pagina da l'UdG www.udg.ch

18 AVRIGL 2013

Men Juon, chavalgiaint al Sechseläuten. Grazcha a sia amicizcha cun commembers da la „Zunft Höngg“ ha Men Juon pudü tour part al Sechseläuten da Turiich.



22 AVRIGL 2013

Tschinch duonnas al timun da l'UdG. La radunanza generela da l'UdG ho tshernieu a Seraina Fried da Susch ed ad Angela Jann da Schlarigna scu novas suprastantas al lö da Men Janett e da Gian-Reto Rainalter. Zieva lungia discussiun ho la radunanza approvo la moziun da la „Pro Idioms Engiadina“ chi pretenda reglas strictas chi circumscrivan detagliedamaing l'adöver dal RG in scoula.

